

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Suos tantum curans.

**urn:nbn:de:hbz:466:1-14259**

sed etiam mordeat. Ejus verba sunt non importune repetenda. Anseribus cibaria publice locantur, & Canes aluntur in Capitolio, ut significant, si fures venerint: at fures internoscere non possunt, significant tamen, si qui noctu in Capitolium venerint, & quia id est suspicio sum, tametsi bestie sunt, in eam partem potius peccant quae est cautor. Quod si luce quoque Canes latrent, cum Deos salutatum aliqui venerint, opinor his crura suffringantur, quod acres sint etiam tum, cum suspicio nulla sit. Simillima est accusatorum ratio: alii vestrum Anseres sunt, qui tantummodo clamant, & nocere non possunt: alii Canes, qui & latrant, & nocere possunt.

## SUOS TANTUM CURANS. CAP. XXXVI.

**N**Eque illud dissimulabimus, quod hominem, qui suæ tantum familiae curam suscipiat, aut rerum tantum suarum satagat, quid rei gerant alii securus, ac minime curiosus, per Anserem vis incubantem, apto admodum hieroglyphico indicare possumus. Anseres siquidem, ut Quintilius qui de agricultura, quam diligentissime scriperunt, tradidere, aliena ova in suo etiam genere fovere nequaquam solent: quare curatores eorum, dum ova patiunt, certis characteribus uniuscujusque frumentum signare debent, atque ita unicuique sua ad novem supponere.

## DE PERDICE. CAP. XXXVII.

**D**issimulanda fuerat & Perdix, ne pudendum super ea significatum propalam proponeremus sed quoniam suscepti operis ordo nos compellat, nihil est suppressendum, quod inter hieroglyphica à veteribus adnumeratum invenerimus. Habere vero potest Perdix cum chortalibus locum, quod ea quoque domi alitur, saginatur & cicuratur. Sedenim vitia ideo ponuntur, reprehendunt, quodque abominabile videatur mortales audientes ipsi absterrantur.

## AMOR TURPISSIMUM. CAP. XXXVIII.

**I**mpudicissimum hominem, tamq; effera nequitia perditum, ut in consanguineis quoque nullo pudore sit petulans, significare si vellent Aegypti facerdotes, Perdices duas pingere sunt soliti: ipsæ enim conjugi viduatae, sese invicem abutuntur. Mares quippe, ut cernere est ex iis, qui domi aluntur, inter se tumultuant, clamitant pugnamque de coitu conserunt, quos cœlibes vocant: qui autem vietus in pugna fuerit, sequitur victoris Venerem, neque aliud pugnar præmium, nisi victuma victore pollui. Verum hoc non fieri semper, sed certo annū tempore, obseruat ait Aristoteles. Illud fere semper, ut cum primum pullus exire coepit, à mare subigatur: nec tibi mirum adeo videatur, quod Marcellus Perdicem ex avibus virili genere appellandum dicat, Varronis autoritate natus. Romani sane pro hujusmodi nota puer, pullum dicere soliti sunt: unde Q. Fabium, cui Ebano propter candorem cognomen fuit, pullum Jovis appellarunt, quod natus ejus fulmine iœta fuit, quasi eam Jupiter appetisset: cum potius interpretari debuerint, & eum, & ejus amatores omnes ergo perdendos esse. Apud Aufonium quoque, Marcum quendam impudicissimum selem pullarum dictum reperias. In fabulis fertur à quibusdam Perdicem venatorem matris amore deslagrassæ, ut eadem improbitas sit filiorum: in matres, quæ in eo alitum genere parentis est in filios. Sunt quif gmento historiam, sunt qui Philosophicum sensum applicent, sed ipsa volucris impudica procacitas argumentum fabula proculdubio suppeditavit. Quare mihi non deliciarum tantum causa videtur Heliogabalus Perdicum plumbul in stratis, in pulvinaribus, ac etiam accubitis passim usus, quantum naturæ similitudine: cum portentosus ille, virne dicam an brutum potius, nullum nequitia genus intactum reliquerit, pudore prof. s omni perditio atque profligatio.

## IMMODERATA NEQUITIA. CAP. XXXIX.

**S**ed ut semel dicam, nihil ad enervatissimam libidinem, & impotentissimam falacitatem exprimendam Perdice commodius, quæ plerumque de coitu tanta efferaur rabie, tantaque astutia libidinis intemperantia, ut mas ova interdum frangat: ne cubando detineantur scemina: quocirca illa, ut fecundus solitent suos, ova modo huc, modo illuc, quo mares fallant, transferre coguntur.

P.R.E.